



## Møteprotokoll for Formannskapet

**Møtedato:** 06.11.2019  
**Møtestad:** Osterøy rådhus - heradsstyresalen  
**Møtetid:** kl. 13.00 – kl.17.15

| Frammøtte medlemmer       | Parti | Rolle        |
|---------------------------|-------|--------------|
| Lars Fjeldstad            | SP    | Ordfører     |
| Hjalti Heimir Gislason    | H     | Varaordfører |
| Rita Aud Tveiten          | AP    | Medlem       |
| Tone Mjelde               | SV    | Medlem       |
| Turid Bjørndal Njåstad    | SP    | Medlem       |
| Ellinor Therese Birkeland | FRP   | Medlem       |
| Ragnar Tyssebotn          | FRP   | Medlem       |
| Jarle Skeidsvoll          | KRF   | Medlem       |

| Forfall meldt frå medlem      | Parti | Rolle  |
|-------------------------------|-------|--------|
| Johannes Myklebust<br>Bysheim | AP    | Medlem |

| Frammøtte varamedlemmer       | Parti | Erstatter medlem              |
|-------------------------------|-------|-------------------------------|
| Berit Moslett Borge           | H     | Johannes Myklebust<br>Bysheim |
| Kjersti Ingolvsdotter Vevatne | V     |                               |
| Trude Tomren                  | MDG   |                               |

**Følgjande frå administrasjonen møtte:** Rådmannen, økonomisjefen, sektorleiar for helse- omsorg og sosial, sektorleiar for oppvekst, undervisning og kultur og utvalssekretæren.

### Sakliste

| Saknr  | Tittel                                |
|--------|---------------------------------------|
| 068/19 | Godkjenning av innkalling og sakliste |
| 069/19 | Godkjenning av møtebok                |
| 070/19 | Referatsaker og meldingar             |

|        |                                                                                                   |
|--------|---------------------------------------------------------------------------------------------------|
| 071/19 | Delegerte saker                                                                                   |
| 072/19 | Budsjett 2020                                                                                     |
| 073/19 | Andre gongs handsaming - Plansak Detaljregulering Angelskår Akvakulturområde - PlanID 12532018002 |
| 074/19 | Lokal føresegn om utslepp av sanitært avløpsvatn                                                  |

## **068/19: Godkjenning av innkalling og sakliste**

**Rådmannen sitt framlegg:**

**Innkalling og sakliste vert godkjend.**

### **06.11.2019 FORMANNSKAPET**

Ordføraren gjorde slikt framlegg: "Sak 073/19 og 074/19 vert handsama før sak 072/19 om budsjettet."

#### **AVRØYSTING**

Ordføraren sitt framlegg vart samrøystes vedteke.

-----  
Det var elles ikkje merknader til innkalling og sakliste.

-----  
Innkalling og sakliste vart godkjend.

#### **FS - 068/19 VEDTAK:**

**Sak 073/19 og 074/19 vert handsama før sak 072/19 om budsjettet.**

**Innkalling og sakliste vert godkjend.**

## **069/19: Godkjenning av møtebok**

**Rådmannen sitt framlegg:**

**Møteprotokoll frå 28.08.2019 vert godkjend.**

### **06.11.2019 FORMANNSKAPET**

Det var ikkje merknader til møteprotokoll frå møtet 28.08.19.  
Møteprotokollen vart godkjend.

#### **FS - 069/19 VEDTAK:**

**Møteprotokoll frå 28.08.2019 vert godkjend.**

## **070/19: Referatsaker og meldingar**

**Rådmannen sitt framlegg:**

"Referatsakene vert tekne til vitande."

## **06.11.2019 FORMANNSKAPET**

### **AVRØYSTING**

Rådmannen sitt framlegg vart samrøystes vedteke.

### **FS - 070/19 VEDTAK:**

"Referatsakene vert tekne til vitande."

---

## **071/19: Delegerte saker**

**Rådmannen sitt framlegg:**

Melding om delegerte vedtak vert teken til vitande.

## **06.11.2019 FORMANNSKAPET**

Det var ikkje merknader til delegerte saker.

### **AVRØYSTING**

Rådmannen sitt framlegg vart samrøystes vedteke.

### **FS - 071/19 VEDTAK:**

"Melding om delegerte vedtak vert teken til vitande."

---

## **072/19: Budsjett 2020**

**Rådmannen sitt framlegg:**

«Budsjett for 2020, økonomiplan 2020-2023 samt investeringsplan 2020 til 2023 vert lagt fram til drøfting på grunnlag av rådmannen si saksutgreiing til formannskapet inkl budsjettdokument

og hovudoversikter, og med slike driftsrammer for 2020:

Alle kommunale avgifter, gebyr, betalingssatsar og vederlag vert auka med 3 % frå 01.01.20 med mindre anna er nemnd særskild i budsjettpremissane, dette vedtaket eller andre reglar som fylgjer av lov eller føresegn.

Føresegner for tømning av slamavskiljarar, tette tankar m.v. for Osterøy kommune vert, i medhald av Lov av 13.03.1981 nr. 6 om vern mot forureining og om avfall(Forureinsingslova) § 26, 3. ledd, § 30, 2. og 3. ledd og §34, endra i tråd med vedlagde framlegg datert 13.11.2018, gjeldande frå 01.01.2019.

Med verknad frå 01.01.2020 vert gebyr- og avgiftssatsane innan dei tekniske tenestene vatn, avlaup, slam, og feiing (sjølvkost) endra/fastsett i tråd med vedlagte dokument: «Framlegg til gebyr Tekniske tenester 2020»

Gebyrsatsane for tekniske forvaltningstenester vert endra/fastsett frå 1.1.20 i tråd med vedlagte dokument: «Gebyrregulativ 2020 Plan-teknisk forvaltning - framlegg».

**Renovasjonsgebyr.**

Osterøy kommune vedtek at BIR Privat AS får delegert fullmakt til fakturering og innkrevjing av avfallsgebyret på vegne av Osterøy kommune, jfr § 12 i Forskrift om handtering av avfall frå hushaldning.

Prisen på renovasjonstenesta for 2019 vert sett opp med 1,0 %, med unntak av eigendelen for levering til gjenvinningsstasjonane og einskilde tenester utanfor standard renovasjon. Desse vert uendra. Kommunal påslag vert sett til kr 15.

Osterøy kommune vedtek avfallsgebyr i tråd med vedlagte prismatrise i dokumentet: Renovasjonsgebyr Osterøy kommune 2020.

Satsane for foreldrebetaling i barnehage vert halde i samsvar med statlege føringar i statsbudsjettet (maksimalpris).

Betalingssatsane for Skulefritidsordning (SFO) vert slik:

|                         |                        |
|-------------------------|------------------------|
| Mindre enn 9 timar veke | kr.1 450 (økt med 3 %) |
| 9-15 timar veke         | kr.1 750 (økt med 3 %) |
| Meir enn 15 timar veke  | kr.2 050 (økt med 3 %) |

Brukarbetaling for kulturskulen vert sett til kr 4 450 pr år (økt med 3 %).

Fribeløp og eigendelar for kommunale helse- og omsorgstenester vert fastsett i samsvar med I-rundskriv for 2020 frå helse- og omsorgsdepartementet.

Husleige i kommunale bygg for løpande avtalar vert auka tilsvarande endringa i konsumprisindeks sidan siste regulering, så langt anna ikkje følgjer av tidlegare vedtak i heradsstyret eller lov/føresegn. Ved inngåing av nye leigeavtalar vert husleiga tilpassa marknadspris.

Låneopptak (nye lån) til finansiering av investeringsprosjekt budsjetttert i 2020 vert kr 91,1 millionar, herav sjølvkostlån kr 28,2 millionar.

Låneopptak til formidlingslån (Husbanken) vert sett til kr 8 millionar.

Heradsstyret vedtek gjeldande låneportefølje for Osterøy kommune som følgjer som vedlegg til saka. Rådmannen står fritt til å betale budsjetterte avdrag på dei låna rådmannen finn det føremålstenleg, uavhengig av opprinneleg vedtak.

Eigedomsskatt vert vidareført på alle eigedomar i Osterøy kommune for 2020.

Eigedomsskattesatsen vert sett til 7 promille (lova sin maksimalsats).

Eigedomsskattesatsen for bustad- og fritidseigedomar vert sett til 5,0 promille, jfr. eigedomsskattelova paragraf 12 bokstav a.

Botnfrådrag for bustaddelen på eigedomar vert sett til kr 0.

Det vert nytta formuesverdiar frå Skatteetaten som grunnlag for eigedomsskattegrunnlaget for bustadeigedomar der slike verdiar ligg føre

Klagenemnda for eigedomsskatt får kompetanse til å handsama klager etter paragraf 19 i eigedoms-skattelova, jfr. paragraf 20 i eigedomsskattelova.

Saker som kan medføra endring av dei vedtekne budsjетtrammene skal leggjast fram for formannskap/heradsstyre til avgjerd før tiltak vert sett i verk.

Rådmannen har framleis fullmakt til å gjera unntak i særskilde høve. I slike høve skal formannskapet/heradsstyret snarast orienterast om dette.

Budsjettoverskridingar skal dekkast innan eige budsjettområde.

Budsjетtramma til Kyrkjeleg Fellesråd vert sett til kr 5,15 millionar inkl kommunal tenesteyting.

## **06.11.2019 FORMANNSKAPET**

I saka møtte økonomisjefen, sektorleiar for helse- omsorg og sosial og sektorleiar for oppvekst- undervisning og kultur.

-----  
Gruppeleiarane Kjersti Vevatne, V, og Trude Tomren, MDG, som ikkje er medlemmer av formannskapet, vart gjeve talerett i saka.  
-----

Økonomisjefen presenterte førebels framlegg til drift- og investeringsbudsjett 2020, samt moglege innsparingstiltak for å saldere budsjettet.

-----  
Orienteringa vart teken til vitande. Det vart ikkje gjort vedtak i saka. Formannskapet kjem tilbake til saka i neste møte.  
-----

## **073/19: Andre gongs handsaming - Plansak Detaljregulering Angelskår Akvakulturområde - PlanID 12532018002**

### **Rådmannen sitt framlegg:**

Heradsstyret vedtek i medhald av plan- og bygningslova § 12-12, at plan for Detaljregulering Angelskår akvakulturområde - Plan ID 12532019001 -med føresegner datert 22.05.2019, planskildding datert 22.05.2019.

## **06.11.2019 FORMANNSKAPET**

Turid B. Njåstad, SP, gjorde slike framlegg:

### Endringsforslag:

"Endringar i forskrifta til plansak detaljregulering Angelskår akvakulturområde Plan ID 12532018002:

5. Rekkefølgekrav pbl. 12-7, nr. 10:

5.1 På land skal det settast opp skilt som viser fortøyinglinene i området (ta vekk naustmiljø)."

### Tilleggsforslag:

"Lerøy Vest/ Sjøtroll Havbruk skal ha ein kontaktperson som naboar o.l. kan ta kontakt med ved spørsmål kring anlegget/ drifta etc. (står omtala på side 8 i planomtalen)."

### **AVRØYSTING - endringsforslag**

Turid B. Njåstad sitt framlegg vart samrøystes tilrådd.

### **AVRØYSTING - tilleggsforslag**

Turid B. Njåstad sitt framlegg vart samrøystes tilrådd.

### **AVRØYSTING - Rådmannen sitt framlegg inkludert endringsforslag og tilleggsforslag:**

Framlegget vart samrøystes tilrådd.

## **FS - 073/19 VEDTAK:**

Formannskapet si innstilling til heradsstyret:

"Heradsstyret vedtek i medhald av plan- og bygningslova § 12-12, at plan for Detaljregulering Angelskår akvakulturområde - Plan ID 12532019001 -med føresegner datert 22.05.2019, planskildring datert 22.05.2019, med slik endring og tillegg:

### Endring:

5. Rekkefølgekrav pbl. 12 - 7, nr. 10:

5.1 På land skal det settast opp skilt som viser fortøyningslinene i området (ta vekk naustmiljø).

### Tillegg:

Lerøy Vest/ Sjøtroll Havbruk skal ha ein kontaktperson som naboar o.l. kan ta kontakt med ved spørsmål kring anlegget/ drifta etc. (står omtala s. 8 i planomtalen)."

---

## **074/19: Lokal føresegn om utslepp av sanitært avløpsvatn**

**Rådmannen sitt framlegg:**

**"Med heimel i ureiningslova, § 12-6 i ureiningsføresegna vert lokal føresegn om utslepp av sanitært avløpsvatn med tilhøyrande sonekart vedteken gjeldande frå 1. januar 2020."**

### **23.10.2019 PLAN- OG KOMMUNALTEKNISK UTVAL**

#### **AVRØYSTING**

Rådmannen sitt framlegg vart samrøystes tilrådd.

#### **PL - 087/19 VEDTAK:**

**"Med heimel i ureiningslova, § 12-6 i ureiningsføresegna vert lokal føresegn om utslepp av sanitært avløpsvatn med tilhøyrande sonekart vedteken gjeldande frå 1. januar 2020."**

### **06.11.2019 FORMANNSKAPET**

#### **AVRØYSTING**

Framlegget frå plan- og kommunalteknisk utval vart samrøystes tilrådd.

#### **FS - 074/19 VEDTAK:**

Formannskapet si innstilling til heradsstyret:

**"Med heimel i ureiningslova, § 12-6 i ureiningsføresegna vert lokal føresegn om utslepp av sanitært avløpsvatn med tilhøyrande sonekart vedteken gjeldande frå 1. januar 2020."**

---



Til å skrive under møteprotokollen saman med ordførar vart Tone Mjelde og Rita Tveiten valde.

Lonevåg, 07.11.2019

Marie Koksvik Thorsen  
utvalssekretær

-----  
Lars Fjeldstad  
ordførar

-----  
Rita Tveiten

-----  
Tone Mjelde